

TESALONIKADEENŃ TAKADA KAAKU

TesalonikadeenŃ zé'òḁannena

¹ Mamoma Pòlu kŃn Silasio kŃn Timotio, wámbe wa takada kèkii kè Tesalonika sosi gbě kè aḁo kú De Luda kŃn Dii Yesu Kirisio guunŃne. Luda gběkεε keare, à a gba aafia.

² Wa aduakena guu a yā ègŃ ḁwagu gurŃ pínɡi, weègŃ Luda sáabu kpaa a pínɡi yā musu.

³ Lán èe zīi keε a ludanaanekena nà, èe aīa keε yenzi guu, bensŃ èe mena keε wéedŃna wa Dii Yesu Kirisizi yānzi, yā pìno ègŃ ḁwagu Luda wa De aezī.

⁴ Wa gbě Luda yenzideenŃ, wá dŃ kè Luda a ε,

⁵ zaake kè wa baaru nnaa kpàare, wée mó kŃn yā'onao adoro, wa mo kŃn Luda Nini gbāaaome, yā pì wa kūna gbāa maamaa. Á dŃ lán wá kú a té nà a aafia yānzi,

⁶ ben a gŃ wapino kŃn Diio dàdarino ũ. Nawēa bíta guu a yā pì sī kŃn pŃnnaa kè Luda Nini dàaguo,

⁷ ben a zé ḁḁa Yesudee kè aḁo kú Masedonia bùsu guunŃne kŃn Girisì bùsuo pínɡi.

⁸ Dii yā bŃ a kiia, èe zε Masedonia kŃn Girisio adoro, a Yesu náanekena yā dàgula pínɡi, à baarukpana vī ḁoro.

⁹ Wèe oo lán wa zé è a kiia nà, lán a kpεε lì tāanŃne, a aε ḁò Ludaa nà, ben ée ḁḁo Luda Wèndide yāpuradeezi,

¹⁰ ée à Né Yesu kè à à fεε bŃna gaan dāa ai à bŃ ludambe, à mó wa sí pŃfē kè Luda é bŃbŃmāa.

2

Pɔlu zĩkeno Tesalonika

¹ Ma gbẽno, á dõ a zĩndanɛ, kè wa zé ena a kiia e ke pãro.

² Á dõ lán wà wée tâwa nà, wa nawẽa kè káaku zaa Filipi, ben Luda wa gba kùgbãaa, wa à baaru nnaa kpàare ɔsi kõn ɔsio.

³ Wa nakõrenaawaa de ege zé yã ũro. Wée kee laasuu zaaa ke a takiikena yãnzinlo.

⁴ Lán Luda wa ka a baaru nna kpanaa nà, len weè kpáinne le, èe ke gbẽntee poyezin wée weteyero, sé Luda wa laasuu tàasikeri pó.

⁵ Á dõ kè wée yã nnannaa o gbẽkenero, bensõ wée yáke ke kõn monafikio wákũ yãnziro. Ludan wa sèedadee ũ.

⁶ Wée sáabu wete gbẽntee kiiaro, apino ke gbẽ pãndenɔ.

⁷ Baa kè wá à zé vĩ wà gõare asoo ũ wa Kirisi zĩrike yãnzĩ, wá kèao busebuse, lán nɔgbẽ nédandee è láakari dɔ a néa nà.

⁸ Kè wá yeazi maamaa yãnzĩ, wée zɛo wà baaru nnaa kè bò Luda kiia kpáare adoro, kõn wa zĩnda kpanaawaaome dɔ, zaake a gõ wa gbẽ yenzideeno ũ.

⁹ Ma gbẽno, à tó wa zĩkeno kõn nawẽao yã dɔagu. Gurɔ kè wée baaru nnaa kè bò Luda kiia pì kpaaare, weègõ zĩ kee fáantẽ kõn gwãavĩo, le wàton gõ a gbẽkenɛ asoo ũro yãnzĩ.

¹⁰ Ámbe wa sèedadeeno ũ, kõn Ludao dɔ, kè wá kú amɔa kè a Yesu náane kènɔ té a zéa nòsepuradeeno ũ taari sai.

¹¹ Á dõ kè wa yã kè a baadenɛ lán de è ke a nénɔne nà.

12 Wa lé dàawa, wa a nòse kpàεare, wa nakõreawa, le a kuuna ke sēnkpe kōn gbē kè Luda n̄ ká kpata gakuidee kè b̀ò à kiiann̄o.

13 Kè a Luda yā kè wá òaree pì mà, ée die gbēntee p̀ó ũro, á s̀ì lán à de nà, Luda yā yāpuraa ũ. Àmbe e z̄i keε am̄oà kè ée à náane keεn̄o guu. Bee yānzi d̀o weèḡõ Luda sáabu kpaa yāana sai.

14 Wa gbēn̄o, a yā kè sēnkpe kōn Luda gbē kè aõ kú Kirisi Yesu guu zaa Yudean̄o, zaake a b̀usudeen̄o wéε t̄aawa se lán Yudan̄o t̄am̄ma nà.

15 Yudan̄o Dii Yesu dè kōn annabin̄o d̀o, bens̄o aõ p̀ewa. Aõ yā è ká Ludanero, aõ íbetε kpà kōn gbē s̄anda píngio.

16 Aõè kpáwe wà yā kè Luda è gbē mì sío o bori p̄anden̄one. Len durun kè aõèḡõ keε gur̄o píngi èḡõ diiàle le. Luda p̀of̄ẽ p̄itam̄ma sa.

Tim̄oti z̄ina Tesalonika

17 Wa gbēn̄o, kè wa kēk̄oà gur̄o plaa, wéε bé èe k̄õ ero, m̄ode wa laasuu kúawa. Wa a begeε kè maamaa, wa m̀è wà wà wéε sik̄õle.

18 Wá yezi wà m̀ó a gwa d̀o. Mam̄oma P̄olu ma m̄ona zé wète à de ḡèn do ke ḡèn plaaala, ben Setān kpàwe.

19 Tó wa Dii Yesu m̀ò, dé bé eéḡõ de wa t̄amaa kōn wa p̄onnaao kōn wa ḡasazub̄o ũ à ae a baasii?

20 Zaake ámbe wa gakui kōn wa p̄onnaao ũ.

3

1 Kè wéε f̄õ wà mena d̀oro, wa zεo wà ḡõ Aten̄i wa t̄εε,

² wa wa gbēndo Timōti, Luda zīkeri daa Kirisi baarunnakpana guu zīawa, le à a gba gbāaa, à a nòsε kpáεare a ludanaanekena guu,

³ le a gbēke làakari tón fεε wéētāmmana pì yānzio. Á dō a zīndanε kè Luda beee taka diεwe.

⁴ Gurɔɔ kè wá kú a kiia, wa gīake wá òare kè weé wéε tāwa, ben à kè le lán á dō nà.

⁵ Bee yānzi kè mé fō mà mēna dōro, ma à zī à a ludanaanekena gwa. Ke Ibilisi a le à a gwa, wa zīi kè pān yoo, wá dōro.

⁶ Kè Timōti sù sa, à a ludanaanekena kōn a yenzio baaru kpàwe. À bè wa yā ègō dōagu kōn laasuu maaao, bensō ée wa bege keε lán wée a bege keε nà.

⁷ Ma gbēnɔ, a ludanaanekena yā bé à tò wa làakari kpaena a yā musu wa wéētāmmana kōn wa nawēao guu píngi.

⁸ Zaake á zena gíngin Dii guu, tia wa ĩampà sa.

⁹ Wé fō wà Luda sáabu kpá a yā musu. Wa wa Luda sáabu kpà maamaa kōn pōnna bíta kè weè ke à aε a yānzio.

¹⁰ Gwāavī kōn fāantēo weègō wéε keε maamaa, le wà e wà wéε sikōle, wà pó kè kēsā a ludanaanekena guu papaare.

¹¹ Luda wa De kōn wa Dii Yesuo zé bōwe wà mó wà a gwa.

¹² Dii yenzi kè á vī kōo kōn baade píngio kaaraare, à dadaala lán yenzi kè wá vīao bà,

¹³ à a swè gba gbāaa le àgō kuu gbāsī sai taari-saideenɔ ũ Luda wa De aε wa Dii Yesu kōn a gbēnɔ píngi mógurɔɔ zī.

4

Kuuna lán Ludaa yezi nà

¹ Yá kè gòn yè, ma gbēnɔ, á mà wa lén lán à maa a kuuna ká Ludanɛ nà. Á kuuna de le kò, mɔde wée wée keewa, wée agbaa kpaaare wa Dii Yesu guu, àgɔ kuu le àgɔ gaao.

² Á yá kè wá dàare kɔn Dii Yesu tɔo dɔ.

³ Ludaa yezi a kuuna gɔ adona, à mì kē pāpākenaa.

⁴ A baade gɔ a zīnda kūna dɔ kɔn bèeɔ gbāsī sai,

⁵ èe ke kɔn dà zaa nidenaɔ lán kifii kè aɔɔ Luda dɔroonɔ bānlo.

⁶ Yá pì musu gbēke tón a gbēdaaa takii ke ke à taari kenɛro, zaake Dii é wée tā yá beee taka kèrinɔa lán wa gīake wá òare nà, wa a swā gào.

⁷ Ludaa e wa sísi wàgɔ kú kɔn gbāsīoro, séde wa kuuna gɔ adona.

⁸ Bee yānzi gbē kè gí yādannena kèzi, èe ke gbēnteen à gíziro, Luda kè è a Ninii kè kú adona dawaguun à gízi.

⁹ Wé e wà yekɔzina yá oarero, zaake a zīdane Luda yekɔzina dàare.

¹⁰ Á kuuna de le kò, á ye wa gbē kè aɔɔ kú Masedonia bùsu guunɔzi n pínɡi. Ma gbēnɔ, wa lé dàawa, àgɔ ke le àgɔ gaao,

¹¹ à zé wete àgɔ kuu yáketete sai, à a zīnda yá ke à a zīnda zīi ke, lán wá dīeare nà,

¹² le a kuuna e à ká bàazideenɔne, le àton fu a zīndaa à da gbēkeziro.

Dii mɔna

13 Ma gbēnɔ, wá yezi àgɔ yāpuraa dɔ gbē kè aɔ anduna tònɔ yā musu, le a pɔɔ tóngɔ sia lán gbē kè aɔ tãmaa vīroonɔ bàro yānzi.

14 Zaake wá sɔ kè Yesu gà à fεε, len dɔ Luda é tó gbē kè aɔ anduna tò Yesu guunɔ εara wà móo ledo.

15 Yā kè wée ooaree kèki né Dii yādannenname. Wamɔwa gbē kpaaa kè wégɔ kuu ai Dii mógurɔɔ zĩnɔ, wé dɔ gbē kè aɔ anduna tò pìnɔne aero.

16 Dii bé eé bɔ ludambe, à pita kɔn yādiennenaon kɔn malaika gbēnsi kòtoo kɔn Luda kākāki ɔo, gbē kè aɔ gà Kirisi guunɔ é fεε bɔna gaan káaku,

17 beee gbɛra wamɔwa gbē kpaaa kè wá kuunɔ, weé wa séényo ledo ai ludambe luguun wà da Diile ãa guu, gbasa wàgɔ kúo ari gurɔ pínɡi.

18 Bee yānzi à kɔ làakari kpáε kɔn yā pìo.

5

1 Ma gbēnɔ, yā pìkena ke à kegurɔɔ onaare zé vīro,

2 zaake á dɔ sãnsãn lán kpāi è mó gwāavĩ nà. Len eégɔ de le Dii mógurɔɔ zĩ.

3 Tó gbēnɔ e bee, wá aafia, wá kú wa làakaria, kaatena é mómma kãndo lán né'iwāwāa è mó nòsindadeea nà, a sé bɔro.

4 Apinɔ sɔ wa gbēnɔ, á kú gusiaanlo, gurɔɔ pì é suawa lán kpāi bàro,

5 zaake gupura gbēnɔn a ũ, fãantē gbēnɔn a ũ a pínɡi. Gwāavĩ ke gusia gbēnɔn wa ũro.

6 Beee yānzi wàton ii o lán danɔ bàro. Wà itē ke wàgɔ kú wa làakaria.

7 I'orinɔ è ii o gwāavĩ, wēderinɔ sɔ è wēdeε ke gwāavĩ.

⁸ WapinŃ sŃ, zaake fáantē gbēnŃn wa ũ, wàgŃ kú kŃn làakario, wà ludanaanekena kŃn yenzio da mò uta ũ, wà mìsina tãmaa kú mòfura ũ.

⁹ Zaake Ludaa e wa die à pŃfē pitawaro. À wa die à wa mì sí wa Dii Yesu Kirisi gāzĩme.

¹⁰ Àmbe à gà wa yānzi le wàgŃ kúo, tó wá bēe ke wa anduna tŃn yoo.

¹¹ Beee yānzi à lé dakŃa, à kŃ gba gbāaa, lán ée kee nà.

Pɔlu yadiena TesalonikadeenŃne

¹² Ma gbēnŃ, wa wée kèawa, à bèe lí gbē kè aŃè zĩ ke a ténŃne, kè aŃ iko vīawa Dii guu, aŃŃe a daa zéanŃ.

¹³ À n̄ gakui dŃńne maamaa yenzi guu zĩ kè aŃŃe kee yānzi. ÀgŃ nna kŃo.

¹⁴ Ma gbēnŃ, wa lé dàawa, à faasaideenŃ da zéa, à gbē yĩnŃ gba swè, à làakari dŃ gbāasaideenŃa, à mena kŃn baade píngio.

¹⁵ À làakari ke, a gbēke tŃn à zaaa fīa bo kŃn à zaaaoro. À zé wete àgŃ à maaa keekŃne kŃn gbē píngio gurŃ píngi.

¹⁶ ÀgŃ kú pŃnnaa guu gurŃ píngi.

¹⁷ ÀgŃ adua kee yāana sai.

¹⁸ ÀgŃ Luda sáabu kpaa yā píngi musu. Beee bé à deare à pŃyezi ũ Kirisi Yesu guu.

¹⁹ Àton Luda Nini té kè è kángu dedero,

²⁰ àton kya ká annabikeyānlo.

²¹ À yā píngi tàasi ke, àgŃ à maaa kŃna,

²² à mì kē zaakena bori píngia.

²³ Luda Aafiade tó a kuuna gŃ kú adona yā sānda píngi guu, à a nini kŃn a wèndio kŃn a

mèo dākpaare aafia taari sai ai wa Dii Yesu Kirisi mógurɔɔ zĩ.

²⁴ Luda kè à a sisi à a se náane vĩ, eé yã pì keare.

²⁵ Ma gbẽnɔ, à adua kewe.

²⁶ À ì kpá wa gbẽnɔa ñ píngi kɔn Luda gbẽnɔ lépemmao.

²⁷ Ma naare Diizi, à takada kè kyó ke wa gbẽnɔne ñ píngi.

²⁸ Wa Dii Yesu Kirisi gbẽkɛɛ keare.

Luda yá takada kǝn Bokobaru yáó
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 18 Apr 2025 from source files dated 31 Aug 2023

c31548a1-5316-53c2-be42-674e0e4c5ae5